

BELEGGINGSOORSIG  
**FINANSIËLE DIENSTE**

Beide FirstRand Beperk ("FirstRand") en RMB Holdings Beperk ("RMBH") het Junie-jaareindes en gevolglik is hul resultate vir die twaalf maande tot 31 Desember 2009 in Remgro se resultate vir die tydperk onder oorsig geëkwyteer.

**BYDRAE TOT WESENSVERDIENSTE**

	<b>2010</b> <b>R miljoen</b>	2009 R miljoen
FirstRand	<b>635</b>	815
RMBH	<b>720</b>	761
	<b>1 355</b>	1 576

**FIRSTRAND – effektiewe direkte belang: 9.1% (totale effektiewe belang: 17.2%)**

<b>MARKKAPITALISASIE OP 31 MAART 2010: R113 886 MILJOEN</b>	
 <b>FIRSTRAND</b>	<b>GENOTEER OP DIE JSE BEPERK</b>
	<b>HOOFUITVOERENDE BEAMPTTE: S E NXASANA</b>
	<b>PROFIEL</b> Die FirstRand groep van maatskappye doen sake in die finansiële dienste-sektor insluitende kleinhandel, korporatief, beleggings en aksepbanksake, korttermynversekering, lewensversekering, werknemervoordele en batebestuur. Die bank- en versekeringsaktiwiteite word verteenwoordig deur die volfiliale FirstRand Bank Holdings Beperk en Momentum Groep Beperk onderskeidelik. Die groep se handelsbesighede sluit in Eerste Nasionale Bank ("ENB"), Rand Aksepbank ("RAB"), WesBank, OUTsurance en Momentum.
	<b>REMGRO GENOMINEERDE DIREKTEURE</b> L Crouse, M H Visser
<b>WEBWERF: <a href="http://www.firstrand.co.za">www.firstrand.co.za</a></b>	

FirstRand se bydrae tot Remgro se wesensverdienste verteenwoordig slegs Remgro se direkte belang van 9.1% in FirstRand en sluit nie die indirekte bydrae van FirstRand deur Remgro se belegging in RMBH in nie.


Vir FirstRand se jongste gerapporteerde resultate vir die ses maande geëindig 31 Desember 2009 het wesensverdienste met 1% tot R4 492 miljoen (2008: R4 553 miljoen) afgeneem. Hierdie resultate weerspieël vroeë tekens van 'n verbetering in die wêreldwye en plaaslike ekonomiese omgewing.

Die Bankgroep se resultate vir die tydperk onder oorsig weerspieël 'n aansienlike verbetering (112%-toename) in winsgewendheid teenoor die ses maande geëindig 30 Junie 2009, alhoewel dit slegs 3% onder die vlak van Desember 2008 is. Die verbetering in verdienste vanuit die bankbedrywighede weerspieël die omswaai van die twee mees beduidende

negatiewe aspekte van die vorige vergelykende tydperk, asook die jaar tot 30 Junie 2009, naamlik slegte skulde wat ontstaan uit die kleinhandel-besigheid se finansieringsboek en verliese vanuit sekere internasionale ekwiteitverhandelingsportefeuilles binne die beleggingsbankdivisie. Momentum se genormaliseerde verdienste het met 15% tot R850 miljoen (2008: R740 miljoen) toegeneem vir die ses maande geëindig 31 Desember 2009, wat 'n weerspieëling is van die positiewe impak van die herstel in ekwiteitsmarkte en 'n volgehoue sterk bedryfsvertoning ondanks negatiewe druk in baie sektore van die mark.

Die FirstRand groep maak steeds goeie vordering wat sy Afrika-strategie betref. Die toenemende geskiktheid van Afrika se ekonomiese omgewing vir beleggings sal na verwagting meer geleenthede skep vir finansiële dienste en FirstRand is besig om homself gunstig te plaas om voordeel daaruit te trek.

RMBH – effektiewe belang: 25.0%

MARKKAPITALISASIE OP 31 MAART 2010: R39 139 MILJOEN	
 <b>RMB HOLDINGS</b>	<b>GENOTEER OP DIE JSE BEPERK</b>
	<b>HOOF BEDRYFSBEAMPTTE: P COOPER</b>
	<b>PROFIEL</b> RMBH se belange is: <ul style="list-style-type: none"> <li>– FirstRand Beperk (32%)</li> <li>– RMB Structured Insurance Beperk (80%)</li> <li>– OUTsurance Beperk (62%)</li> <li>– Discovery Holdings Beperk (27%)</li> </ul>
	<b>REMGRO GENOMINEERDE DIREKTEURE</b> J J Durand, M H Visser
	<b>WEBWERF: <a href="http://www.rmbh.co.za">www.rmbh.co.za</a></b>

Vir die ses maande geëindig 31 Desember 2009 was 78.5% (2008: 79.6%) van RMBH se wesensverdiens, voor inagnam van ander netto inkomste en koste van befondsing, afkomstig van FirstRand, terwyl 21.5% (2008: 20.4%) deur die ander belange bygedra is. RMBH se ander belange sluit in Discovery Holdings Beperk, OUTsurance Beperk en RMB Structured Insurance Beperk.

Die Discovery Groep is bedrywig in die markte in Suid-Afrika en die Verenigde Koninkryk vir versekerings- en gesondheidsorgbefondsing en het besonder goed gevaar, met 'n toename van 54% in wesensverdiens vir die ses maande geëindig 31 Desember 2009 tot R755 miljoen (2008: R489 miljoen). Die korttermynversekeraar, OUTsurance, het R176 miljoen (2008: R205 miljoen) tot RMBH se wesensverdiens vir die ses maande geëindig

31 Desember 2009 bygedra, na inagnam van die vestigingskoste van "Youi", RMBH se direkte versekeraar gesetel in Australië. RMB Structured Insurance ("RMBSI") skep oplossings vir individuele versekerings- en finansiële risiko's van groot korporatiewe besighede deur gebruik te maak van innoverende finansiële strukture en het 'n wesensverlies van R4 miljoen (2008: wesensverdiens van R25 miljoen) bygedra tot die wesensverdiens van RMBH vir die tydperk onder oorsig.

Die groter RMBH Groep fokus steeds op die beskerming van sy oorspronklike handelsbesighede en balansstate om dit in 'n optimale posisie te plaas om voordeel te trek uit geleenthede vir groei soos dit ontstaan, in besonder die omswaai van die negatiewe kredietsiklus.